॥ श्रीहरि:॥

श्रीमद्गोस्वामी तुलसीदासजीविरचित

श्रीरामचरितमानस

सुन्दरकाण्ड (मूल)

श्रीहनुमानचालीसासहित

गीताप्रेस, गोरखपुर

www.bhajandiary.com

सभी भजनों को बिना इंटरनेट के भी सीधे अपने मोबाइल में देखने के लिए गूगल प्ले स्टोर से 'भजन डायरी एप्प' इनस्टॉल कीजिये



प्रकाशक एवं मुद्रक—

गीताप्रेस, गोरखपुर—२७३००५

(गोबिन्दभवन-कार्यालय, कोलकाता का संस्थान)

फोन : (०५५१) २३३४७२१; फैक्स : (०५५१) २३३६९९७

e-mail: booksales@gitapress.org website: www.gitapress.org

भगवान् श्रीजानकीनाथकी

= आरती

ॐ जय जानिकनाथा, हो प्रभु जय श्री रघुनाथा।

दोऊ कर जोड़े विनवौं, प्रभु मेरी सुनो बाता॥ॐ॥ तुम रघुनाथ हमारे, प्राण पिता माता। तुम हो सजन सँगाती, भक्ति मुक्ति दाता॥ॐ॥ चौरासी प्रभु फन्द छुड़ावो, मेटो यम त्रासा। निश दिन प्रभु मोहि राखो, अपने संग साथा॥ॐ॥ सीताराम लक्ष्मण भरत शत्रुहन, संग चारौं भैया। जगमग ज्योति विराजत, शोभा अति लहिया॥ॐ॥ हनुमत नाद बजावत, नेवर ठुमकाता। कंचन थाल आरती, करत कौशल्या माता॥ॐ॥ किरिट मुकुट कर धनुष विराजत, शोभा अति भारी। मनीराम दरशन तुलसिदास दरशन कर, पल-पल बलिहारी ॥ ॐ॥ जय जानिकनाथा, हो प्रभु जय श्री रघुनाथा। हो प्रभु जय सीता माता, हो प्रभु जय लक्ष्मण भ्राता॥ ॐ॥ हो प्रभु जय चारौं भ्राता, हो प्रभु जय हनुमत दासा, दोऊ कर जोड़े विनवौं, प्रभु मेरी सुनो बाता॥ॐ॥ जासु हृदय आगार बसिंह राम सर चाप धर॥

॥ ॐ श्रीपरमात्मने नम:॥ प्रनवउँ पवनकुमार खल बन पावक ग्यानघन।

किष्किन्धाकाण्ड

[दोहा २९]

बलि बाँधत प्रभु बाढ़ेउ सो तनु बरनि न जाइ।

उभय घरी महँ दीन्हीं सात प्रदच्छिन धाइ॥

अंगद कहइ जाउँ मैं पारा। जियँ संसय कछु फिरती बारा॥

जामवंत कह तुम्ह सब लायक।

पठइअ किमि सबही कर नायक॥

कहइ रीछपति सुनु हनुमाना।

का चुप साधि रहेहु बलवाना।।

पवन तनय बल पवन समाना।

बुधि बिबेक बिग्यान निधाना।।

कवन सो काज कठिन जग माहीं।

जो नहिं होइ तात तुम्ह पाहीं॥

राम काज लगि तव अवतारा।

सुनतहिं भयउ पर्बताकारा॥

कनक बरन तन तेज बिराजा।

मानहुँ अपर गिरिन्ह कर राजा॥

सिंहनाद करि बारहिं बारा। लीलहिं नाघउँ जलनिधि खारा॥ सहित सहाय रावनहि मारी। आनउँ इहाँ त्रिकूट उपारी॥

उचित सिखावनु दीजहु मोही॥ एतना करहु तात तुम्ह जाई। सीतहि देखि कहहु सुधि आई॥

जामवंत में पूँछउँ तोही।

रामचरितमानस

तब निज भुज बल राजिवनैना। कौतुक लागि संग कपि सेना॥

छं०—कपि सेन संग सँघारि निसिचर रामु सीतिह आनिहैं।

रामु साताह आ।नह त्रैलोक पावन सुजसु सुर मुनि नाम्टाटि ब्युवानिटैं

नारदादि बखानिहें॥

जो सुनत गावत कहत समुझत परम पद नर पावई।

रघुबीर पद पाथोज मधुकर दास तुलसी गावई॥

[दोहा ३० (क)] भव भेषज रघुनाथ जसु सुनहिं जे नर अरु नारि। तिन्ह कर सकल मनोरथ सिद्ध करहिं त्रिसिरारि॥

[सोरठा ३० (ख)] नीलोत्पल तन स्याम काम कोटि सोभा अधिक।

सुनिअ तासु गुन ग्राम जासु नाम अघ खग बधिक॥

॥ श्रीगणेशाय नमः॥ श्रीजानकीवल्लभो विजयते

श्रीरामचरितमानस

पञ्चम सोपान

सुन्दरकाण्ड

श्लोक

शान्तं शाश्वतमप्रमेयमनघं निर्वाणशान्तिप्रदं

ब्रह्माशम्भुफणीन्द्रसेव्यमिनशं वेदान्तवेद्यं विभुम्। रामाख्यं जगदीश्वरं सुरगुरुं मायामनुष्यं हिरं वन्देऽहं करुणाकरं रघुवरं भूपालचूडामणिम्॥१॥ नान्या स्पृहा रघुपते हृदयेऽस्मदीये सत्यं वदामि च भवानखिलान्तरात्मा।

भक्ति प्रयच्छ रघुपुङ्गव निर्भरां मे कामादिदोषरहितं कुरु मानसं च॥२॥

अतुलितबलधामं हेमशैलाभदेहं दनुजवनकृशानुं ज्ञानिनामग्रगण्यम्। सकलगुणनिधानं वानराणामधीशं

सकलगुणनिधानं वानराणामधीशं रघुपतिप्रियभक्तं वातजातं नमामि॥ ३॥

रामचरितमानस जामवंत के बचन सुहाए। सुनि हनुमंत हृदय अति भाए॥ तब लगि मोहि परिखेहु तुम्ह भाई। सिह दुख कंद मूल फल खाई॥ जब लगि आवौं सीतिह देखी। होइहि काजु मोहि हरष बिसेषी॥ यह किह नाइ सबन्हि कहुँ माथा। चलेउ हरिष हियँ धरि रघुनाथा।। सिंधु तीर एक भूधर सुंदर। कौतुक कूदि चढ़ेउँ ता ऊपर॥ बार बार रघुबीर सँभारी। तरकेउ पवनतनय बल भारी॥ जेहिं गिरि चरन देइ हनुमंता। चलेउ सो गा पाताल तुरंता॥ जिमि अमोघ रघुपति कर बाना। एही भाँति चलेउ हनुमाना॥ जलनिधि रघुपति दूत बिँचारी। तैं मैनाक होहि श्रमहारी॥ [दोहा १] हनूमान तेहि परसा कर पुनि कीन्ह प्रनाम। राम काजु कीन्हें बिनु मोहि कहाँ बिश्राम॥ जात पवनसुत देवन्ह देखा। जानैं कहुँ बल बुद्धि बिसेषा॥

सुन्दरकाण्ड	૭
सुरसा नाम अहिन्ह के माता।	
पठइन्हि आइ कही तेहिं बाता।	
आजु सुरन्ह मोहि दीन्ह अहारा।	
सुनत बचन कह पवनकुमारा।	
राम काजु करि फिरि मैं आवौं।	
सीता कइ सुधि प्रभुहि सुनावौं।	
तब तव बदन पैठिहउँ आई।	
सत्य कहउँ मोहि जान दे माई।	
कवनेहुँ जतन देइ नहिं जाना।]
ग्रसिस न मोहि कहेउ हनुमाना।	
जोजन भरि तेहिं बदनु पसारा।	
कपि तनु कीन्ह दुगुन बिस्तारा।	
सोरह जोजन मुख तेहिं ठयऊ।	
तुरत पवनसुत बत्तिस भयऊ।	
जस जस सुरसा बदनु बढ़ावा।	
तासु दून कपि रूप देखावा।	
सत जोजन तेहिं आनन कीन्हा।	
अति लघु रूप पवनसुत लीन्हा।	
बदन पइंठि पुनि बाहेर आवा।	
मागा बिदा ताहि सिरु नावा।	
मोहि सुरन्ह जेहि लागि पठावा।	
बुधि बल मरमु तोर मैं पावा।	

रामचरितमानस [दोहा २] राम काजु सबु करिहहु तुम्ह बल बुद्धि निधान। आसिष देइ गई सो हरिष चलेंउ हनुमान॥ निसिचरि एक सिंधु महुँ रहई। करि माया नभु के खग गहई॥ जीव जंतु जे गगन उड़ाहीं। जल बिलोंकि तिन्ह के परिछाहीं॥ गहइ छाहँ सक सो न उड़ाई। एहि बिधि सदा गगनचर खाई।। सोइ छल हनूमान कहँ कीन्हा। तासु कपटु कपि तुरतिं चीन्हा॥ ताहि मारि मारुतसुत बीरा। बारिधि पार गयउ मतिधीरा॥ तहाँ जाइ देखी बन सोभा। गुंजत चंचरीक मधु लोभा॥ नाना तरु फल फूल सुहाए। खग मृग बृंद देखि मन भाए।। सैल बिसाल देखि एक आगें। ता पर धाइ चढ़ेउ भय त्यागें।। उमा न कछु कपि कै अधिकाई। प्रभु प्रताप जो कालहि खाई।। गिरि पर चढ़ि लंका तेहिं देखी। कहि न जाइ अति दुर्ग बिसेषी॥ कनक कोट कर परम प्रकासा॥ छं० — कनक कोट बिचित्र मनि कृत सुंदरायतना घना। चउहट्ट हट्ट सुबट्ट बीथीं चारु पुर बहु बिधि बना॥ गज बाजि खच्चर निकर पदचर रथ बरूथिन्ह को गनै। बहुरूप निसिचर जूथ अतिबल सेन बरनत नहिं बनै॥१॥ बन बाग उपबन बाटिका सर कूप बापीं सोहहीं। नर नाग सुरे गंधर्ब कन्या रूप मुनि मन मोहहीं॥ कहुँ माल देह बिसाल सैल समान अतिबल गर्जहीं। नाना अखारेन्ह भिरिहं बहुबिधि

नगर चहुँ दिसि रच्छहीं। कहुँ महिष मानुष धेनु खर अज खल निसाचर भच्छहीं॥ एहि लागि तुलसीदास इन्ह की कथा कछु एक है कही। रघुबीर सर तीरथ सरीरन्हि त्यागि गति पैहहिं सही॥३॥

करि जतन भट कोटिन्ह बिकट तन

एक एकन्ह तर्जहीं॥२॥

[दोहा ३]

रामचरितमानस

१०

पुर रखवारे देखि बहु किप मन कीन्ह बिचार। अति लघु रूप धरौं निसि नगर करौं पइसार॥

मसक समान रूप कपि धरी। लंकहि चलेउ सुमिरि नरहरी॥ नाम लंकिनी एक निसिचरी।

सो कह चलेसि मोहि निंदरी॥ जानेहि नहीं मरमु सठ मोरा।

मोर अहार जहाँ लगि चोरा॥
मुठिका एक महा कपि हनी।
रक्षिय समूर्व शुर्जी हन्मनी॥

रुधिर बमत धरनीं ढनमनी।। पुनि संभारि उठी सो लंका।

जोरि पानि कर बिनय ससंका॥ जब रावनहि बहा बर दीन्हा।

जब रावनहि ब्रह्म बर दीन्हा। चलत बिरंचि कहा मोहि चीन्हा॥

चलत । बराच कहा माह चान्हा ।। बिकल होसि तैं कपि कें मारे। तब जानेसु निसिचर संघारे।।

तात मोर अति पुन्य बहूता। देखेउँ नयन राम कर दूता॥

[दोहा ४] तात स्वर्ग अपबर्ग सुख धरिअ तुला एक अंग।

तूल न ताहि सकल मिलि जो सुख लव सतसंग॥

११

गोपद सिंधु अनल सितलाई॥ गरुड़ सुमेरु रेनु सम ताही। राम कृपा करि चितवा जाही॥ अति लघु रूप धरेउ हनुमाना।

पैठा नगर सुमिरि भगवाना।। मंदिर मंदिर प्रति करि सोधा। देखे जहँ तहँ अगनित जोधा।।

गयउ दसानन मंदिर माहीं। अति बिचित्र कहि जात सो नाहीं।।

सयन किएँ देखा कपि तेही। मंदिर महुँ न दीखि बैदेही॥

भवन एकं पुनि दीख सुहावा।

हरि मंदिर तहँ भिन्न बनावा।।

[दोहा ५] रामायुध अंकित गृह सोभा बरनि न जाइ।

नव तुलसिका बृंद तहँ देखि हरष कपिराइ॥ लंका निसिचर निकर निवासा।

इहाँ कहाँ सज्जन कर बासा॥

मन महुँ तरक करैं कपि लागा।

तेहीं समय बिभीषनु जागा॥

१२ रामचरितमानस राम राम तेहिं सुमिरन कीन्हा। हृदयँ हरष कपि सज्जन चीन्हा।। एहि सन हठि करिहउँ पहिचानी। साधु ते होइ न कारज हानी॥ बिप्रं रूप धरि बचन सुनाए। सुनत बिभीषन उठि तहँ आए।। करि प्रनाम पूँछी कुसलाई। बिप्र कहहु निज कथा बुझाई॥ की तुम्ह हरि दासन्ह महँ कोई। मोरें हृदय प्रीति अति होई॥ की तुम्ह रामु दीन अनुरागी। आयहु मोहि करन बड़भागी॥ [दोहा ६] तब हनुमंत कही सब राम कथा निज नाम। सुनत जुगल तन पुलक मन मगन सुमिरि गुन ग्राम॥ सुनहु पवनसुत रहनि हमारी। जिमि दसनन्हि महुँ जीभ बिचारी॥ तात कबहुँ मोहि जानि अनाथा। करिहहिं कृपा भानुकुल नाथा।। तामस तनु कछु साधन नाहीं। प्रीति न पद सरोज मन माहीं।। अब मोहि भा भरोस हनुमंता। बिनु हरिकृपा मिलहिं नहिं संता॥ सुनहु बिभीषन प्रभु के रीती। करिहं सदा सेवक पर प्रीती॥ कहहु कवन मैं परम कुलीना।

तौ तुम्ह मोहि दरसु हिठ दीन्हा॥

प्रात लेइ जो नाम हमारा। तेहि दिन ताहि न मिलै अहारा॥ [दोहा ७]

कपि चंचल सबहीं बिधि हीना।।

अस मैं अधम सखा सुनु मोहू पर रघुबीर। कीन्ही कृपा सुमिरि गुन भरे बिलोचन नीर॥

जानतहूँ अस स्वामि बिसारी। फिरहिं ते काहे न होहिं दुखारी॥

एहि बिधि कहत राम गुन ग्रामा। पावा अनिर्बाच्य बिश्रामा॥

पावा आनबाच्य ाबश्रामा॥ पुनि सब कथा बिभीषन कही।

जैहि बिधि जनकसुता तहँ रही।। तब हनुमंत कहा सुनु भ्राता। देखी चहउँ जानकी माता।।

दखा चहुउ जानका माता॥ जुगुति बिभीषन सकल सुनाई।

चलेंड पवनसुत बिदा कराई॥ करि सोइ रूप गयउ पुनि तहवाँ।

बन असोक सीता रह जहवाँ॥

88	रामचरितमानस
	महुँ कीन्ह प्रनामा।
	जात निसि जामा॥ स जटा एक बेनी।
	रघुपति गुन श्रेनी॥
	[दोहा ८]
	रँ मन राम पद कमल लीन।
परम दुखी भा पर	वनसुत देखि जानकी दीन॥
तरु पल्लव	महुँ रहा लुकाई।
	करौं का भाई॥
तेहि अवसर	रावनु तहँ आवा।
	बहु किएँ बनावा॥
<u> </u>	ल सीतहि समुझावा।
साम दान १	भय भेद देखावा॥
कह रावनु स्	गुनु सुमुखि सयानी। ादि सब रानी॥
मंदोदरी अ	ादि सब रानी॥
तव अनुचरीं	करउँ पन मोरा।
एक बार वि	बलोकु मम ओरा॥
तृन धरि अं	ोट कहति बैदेही।
सुमिरि अवध	प्रपति परम सनेही॥
सुनु दसमुख	खद्योत प्रकासा।
	लेनी करइ बिकासा॥
	ुझु कहति जानकी।
खल सुधि र्ना	हिं रघुबीर बान की॥

चंद्रहास हरु मम परितापं।

रघुपति बिरह अनल संजातं॥ सीतल निसित बहसि बर धारा।

कह सीता हरु मम दुख भारा॥

सुनत बचन पुनि मार्न धावा।

मयतनयाँ कहिं नीति बुझावा।। कहेसि सकल निसिचरिन्ह बोलाई।

सीतिह बहु बिधि त्रासहु जाई॥

मास दिवस महुँ कहा न माना। तौ मैं मारबि काढ़ि कृपाना॥ १६ रामचरितमानस [दोहा १०] भवन गयउ दसकंधर इहाँ पिसाचिनि बृंद। सीतिह त्रास देखाविहं धरिहं रूप बहु मंद॥ त्रिजटा नाम राच्छसी एका। राम चरन रति निपुन बिबेका॥ सबन्हौ बोलि सुनाएसि सपना। सीतिह सेइ करहुं हित अपना॥ सपनें बानर लंका जारी। जातुधान सेना सब मारी॥ खर आरूढ़ नगन दससीसा। मुंडित सिर खंडित भुज बीसा॥ एहि बिधि सो दच्छिन दिसि जाई। लंका मनहुँ बिभीषन पाई॥ नगर फिरीँ रघुबीर दोहाई। तब प्रभु सीता बोलि पठाई।। यह सपना मैं कहउँ पुकारी। होइहि सत्य गएँ दिन चारी।। तासु बचन सुनि ते सब डरीं। जनकसुता के चरनन्हि परीं॥ [दोहा ११] जहँ तहँ गईं सकल तब सीता कर मन सोच। मास दिवस बीतें मोहि मारिहि निसिचर पोच॥ त्रिजटा सन बोलीं कर जोरी। मातु बिपति संगिनि तैं मोरी।। सुनै को श्रवन सूल सम बानी॥ सुनत बचन पद गहि समुझाएसि। प्रभु प्रताप बल सुजसु सुनाएसि॥ निसि न अनल मिल सुनु सुकुमारी।

अस कहि सो निज भवन सिधारी॥ कह सीता बिधि भा प्रतिकूला।

मिलिहि न पावक मिटिहि न सूला।। देखिअत प्रगट गगन अंगारा। अवनि न आवत एकउ तारा॥

पावकमय ससि स्रवत न आगी। मानहुँ मोहि जानि हतभागी॥

सुनहि बिनय मम बिटप असोका। सत्य नाम करु हरु मम सोका॥

नूतन किसलय अनल समाना। देहि अगिनि जनि करहि निदाना॥

देखि परम बिरहाकुल सीता।

सो छन कपिहि कलप सम बीता।।

१८		रामचरितम	ानस	
		[सोरठा १	(२]	
कपि क	रि हृदयँ बि	प्रचार दीर्ग	न्ह मुद्रिक	ज डारि तब।
				इ कर गहेउ॥
तब	देखी	मुद्रि	का	मनोहर।
				सुंदर॥
चिकि	त चित	व मुत	ऱ्री प	हिचानी।
				कुलानी ॥
				रघुराई।
				हं जाई॥
				नाना।
मधुर्	बचन	बोत	नेउ ह	इनुमाना ॥
रामचं	द्र गु	न र	बरनें	लागा।
सुनर्ता	हें सीत	ग कर	र दुख	भागा॥
लागीं	सुनैं	श्रवन	न मन	लाई ।
आदि	हुत	सब	कथा	सुनाई॥
श्रवन	ामृत र	जेहि <u>ं</u>	कथा	सुहाई ।
कही	सो प्रग	ट हो	त कि	न भाई॥
				गयऊ।
				भयऊ॥
				जानकी ।
सत्य	सपथ	करुन	गनिधा	न की॥
यह	मुद्रिका	मात्	नु मैं	आनी । हिदानी ॥
दीन्हि	राम त्	तुम्ह ट	फ़हँ स	हिदानी ॥

सहज बानि सेवक सुखदायक।

कबहुँक सुरति करत रघुनायक॥

कबहुँ नयन मम सीतल ताता।

होइहिं निरखि स्याम मृदु गाता।।

बचनु न आव नयन भरे बारी।

अहह नाथ हों निपट बिसारी।।

देखि परम बिरहाकुल सीता।

बोला कपि मृदु बचन बिनीता।।

मातु कुसल प्रभु अनुज समेता। तव दुख दुखी सुकृपा निकेता॥

२०		रामचरितमान	स	
जनि उ	जननी	मानहु	जियँ	ऊना।
तुम्ह र	ते प्रेम्	गुराम	ा कें	दूना॥
रघपति क		[दोहा १४] अब सन		धरि धीर।
				जार जारा चिन नीर॥
कहेउ	राम वि	बियोग	तव	सीता।
				परीता ॥
नव तर कालनि	२ ।कर स्यास	।लय । □ निग्रि	मनहु ठू उम्मीम	कृसानू । भानू ॥
				ना हूं।। निस्सा।
बारिद	तपत	तेल	जन् व	त्ररिसा ॥
				पीरा।
				प्रमीरा ॥ होई ।
_{करिट} काहि	त का कहीं	थु ५७ यह ज	a पाट गान न	कोई ॥
तत्व प्रे	म क	र मम	अरु	तोरा ।
जानत	प्रिया	एकु	मनु	मोरा ॥
स्रो मन्	ुसदा	े रहत	तीहि	पाहीं।
जानु १ पभ	गात संदेस	रसु ए सन्	तिपाह सत	माहीं॥ बैदेही।
प्रगुमगन प्र	प्रेम त	न सुधि	 प्र नहिं	तेही॥
कह क	विष हत	ऱ्यँ धी	र धरु	माता।
सुमिरु	राम	सेवक	न सुख	ब्रदाता ॥

जननी हृदयँ धीर धरु जरे निसाचर जानु॥ जौं रघुबीर होति सुधि पाई। करते नहिं बिलंबु रघुराई।। राम बान रबि उएँ जानकी।

तम बरूथ कहँ जातुधान की।। अबहिं मातु मैं जाउँ लवाई।

प्रभु आयसु नहिं राम दोहाई॥ कछुक दिवस जननी धरु धीरा।

कपिन्ह सहित अइहहिं रघुबीरा॥ निसिचर मारि तोहि लै जैहहिं।

तिहुँ पुर नारदादि जसु गैहहिं॥

हैं सुत कपि सब तुम्हिह समाना। जातुधान अति भट बलवाना।।

मोरें हृदय परम संदेहा।

सुनि कपि प्रगट कीन्हि निज देहा॥

कनक भूधराकार सरीरा। समर भयंकर अतिबल बीरा॥

सीता मन भरोस तब भयऊ।

पुनि लघु रूप पवनसुत लयऊ॥

22 रामचरितमानस [दोहा १६] सुनु माता साखामृगं नहिं बल बुद्धि बिसाल। प्रभु प्रताप तें गरुड़िह खाइ परम लघु ब्याल॥ मन संतोष सुनत कपि बानी। भगति प्रताप तेज बल सानी।। आसिष दीन्हि रामप्रिय जाना। होहु तात बल सील निधाना॥ अजर अमर गुननिधि सुत होहू। करहुँ बहुत रघुनायक छोहूँ॥ करहुँ कृपा प्रभु अस सुनि काना। निर्भर प्रेम मगन हनुमाना॥ बार बार नाएसि पद सीसा। बोला बचन जोरि कर कीसा॥ अब कृतकृत्य भयउँ मैं माता। आसिष तंव अमोघ बिख्याता॥ सुनहु मातु मोहि अतिसय भूखा। लागि देखि सुंदर फल रूखा।। सुनु सुत करहिं बिपिन रखवारी। परम सुभट रजनीचर भारी॥ तिन्ह कर भय माता मोहि नाहीं। जौं तुम्ह सुख मानहु मन माहीं॥ [दोहा १७] देखि बुद्धि बल निपुन किप कहेउ जानकीं जाहु। रघुपति चरन हृदयँ धरि तात मधुर फल खाहु॥

गए पुकारत कछु अधमारे॥ पुनि पठयउ तेहिं अच्छकुमारा।

चला संग लै सुभट अपारा॥ आवत देखि बिटप गहि तर्जा।

ताहि निपाति महाधुनि गर्जा॥

कछु मारेसि कछु मर्देसि कछु मिलएसि धरि धूरि।

कछु पुनि जाइ पुकारे प्रभु मर्कट बल भूरि॥

सुनि सुत बध लंकेस रिसाना।

पंठएसि मेघनाद बलवाना।।

मारिस जिन सुत बाँधेसु ताही।

देखिअ कपिहि कहाँ कर आही।।

[दोहा १८]

२४	रामचरितमान	ास	
चला इंद्रि	जेत अतु	लित	जोधा ।
बंधु निधन			
कपि देख			
कटकटाइ	गर्जा	अरु	धावा॥
अति बिस	ाल तरु	एक	उपारा ।
बिरथ की			
रहे महा			
गहि गहि व			
तिन्हिह नि	पाति तारि	हे सन	बाजा।
भिरे जुग	ल मान	हुँ गज	नराजा ॥
मुठिका [ँ] म			
ताहि एक	छन ।	मुरुछा	आई॥
उठि बहोरि	र कान्हि	स बहु	माया।
जीति न	· · · · · · · · · · · · · · · · · · ·		जाया॥
	[दोहा १९		C
ब्रह्म अस्त्र तेहि			
जौं न ब्रह्मसर			
ब्रह्मबान क			
परतिहुँ ब	ut कट	ડેલું •	संघारा ॥ ० ।
तेहिं देखा			
नागपास			
जासु नाम भारत संध्या			
भव [े] बंधन	काटा ह	नर	•याना ॥

प्रभु कारज लगि कपिहिं बँधावा॥ कपि बंधन सुनि निसिचर धाए। कौतुक लागि सभाँ सब आए।।

दसमुख सभा दीखि कपि जाई। किह न जाइ कछु अति प्रभुताई॥

कर जोरें सुर दिसिप बिनीता। भृकुटि बिलोकत सकल सभीता॥

देखि प्रताप न कपि मन संका। जिमि अहिगन महुँ गरुड़ असंका॥

[दोहा २०]

कपिहि बिलोकि दसानन बिहसा कहि दुर्बाद।

सुत बध सुरति कीन्हि पुनि उपजा हृदयँ बिषाद॥ कह लंकेस कवन तें कीसा।

केहि कें बल घालेहि बन खीसा॥ की थौं श्रवन सुनेहि नहिं मोही।

देखउँ अति असंक सठ तोही॥ मारे निसिचर केहिं अपराधा।

कहु सठ तोहि न प्रान कइ बाधा।। सुनु रावन ब्रह्मांड निकाया।

पाइ जासु बल बिरचति माया।। जाकें बल बिरंचि हरि ईसा।

पालत सृजत हरत दससीसा॥

२६ रामचरितमानस जा बल सीस धरत सहसानन। अंडकोस समेत गिरि कानन॥ धरइ जो बिबिध देह सुरत्राता। तुम्ह से सठन्ह सिखावनु दाता॥ हर कोदंड कठिन जेहिं भंजा। तेहि समेत नृप दल मद गंजा॥ खर दूषन त्रिंसिरा अरु बाली। बधे संकल अतुलित बल साली।। [दोहा २१] जाके बल लवलेस तें जितेहु चराचर झारि। तासु दूत मैं जा करि हरि आनेहु प्रिय नारि॥

तासु दूत मैं जा किर हिर आने हु प्रिय नारि॥ जानउँ मैं तुम्हारि प्रभुताई। सहस्रबाहु सन परी लराई।।

समर बालि सन करि जसु पावा। सुनि कृपि बचन बिहसि बिहरावा॥

खायउँ फल प्रभु लागी भूँखा। कपि सुभाव तें तोरेउँ रूखा॥

सब कें देह परम प्रिय स्वामी। मारहिं मोहि कुमारग गामी॥

जिन्ह मोहि मारा ते मैं मारे। तेहि पर बाँधेउँ तनयँ तुम्हारे॥

मोहि न कछु बाँधे कइ लाजा। कीन्ह चहउँ निज प्रभु कर काजा॥ प्रनतपाल रघुनायक करुना सिंधु खरारि। गएँ सरन प्रभु राखिहैं तव अपराध बिसारि॥

राम चरन पंकज उर धरहू।

लंका अचल राजु तुम्ह करहू॥

रिषि पुलस्ति जसु बिमल मयंका।

तेहि सँसि महुँ जॉन होहु कलंका॥

राम नाम बिनु गिरा न सोहा। देखु बिचारि त्यागि मद मोहा॥

बसन हीन नहिं सोह सुरारी।

सब भूषन भूषित बर नारी।।

राम बिमुख संपति प्रभुताई।

जाइ रहीं पाई बिनु पाई।।

सजल मूल जिन्ह सरितन्ह नाहीं। बरिष गएँ पुनि तबहिं सुखाहीं॥

२८	रामच	रितमानस		
सुनु दस	कंठ व	_{हिं} डें	पन	रोपी।
बिमुख र	ाम त्रा	ता न	हिं र	क्रोपी ॥
संकर स	हस बि	बष्नु ः	अज	तोही।
सकहिं न	राखि	राम	कर	द्रोही ॥
	_	ग २३]		
मोहमूल बहु				
भजहु राम				
जदपि क				
भगति बि				
बोला वि				
मिला हम				
मृत्यु निव				
लागेसि				
उलटा इ				
मतिभ्रम				
सुनि कपि				
बेगि न				
सुनत वि				
सचिवन्ह				
नाइ सीर				
नीति बि	रोध न	न मा	रिअ .	दूता॥
आन् दंड	कछु	़करि	अ ग	ोसॉई ।
सबहीं व	प्रहा ग	नंत्र १	भल	भाई ॥

[दोहा २४] कपि कें ममता पूँछ पर सबिह कहउँ समुझाइ। तेल बोरि पट बाँधि पुनि पावक देहु लगाइ॥

अंग भंग करि पठइअ बंदर॥

पूँछहीन बानर तहँ जाइहि। तब सठ निज नाथहि लइ आइहि॥

तब सठ निज नाथिति लइ आइति॥ जिन्ह के कीन्हिसि बहुत बड़ाई। देखउँ मैं तिन्ह के प्रभुताई॥

बचन सुनत कपि मन मुसुकाना। भइ सहाय सारद मैं जाना॥

जातुधान सुनि रावन बचना। लागे रचैं मूढ़ सोइ रचना॥

रहा न नगर बसन घृत तेला।

बाढ़ी पूँछ कीन्ह कपि खेला॥ कौतुक कहँ आए पुरबासी।

मारिहं चरन करिहं बहु हाँसी।। बाजिहं ढोल देहिं सब तारी।

बाजाह ढाल दाह सब तारा। नगर फेरि पुनि पूँछ प्रजारी॥

पावक जरत देखि हनुमंता। भयउ परम लघुरूप तुरंता॥

निबुकि चढ़ेउ कपि कनक अटारीं।

भईं सभीत निसाचर नारीं॥

झपट लपट बहु कोटि कराला।। तात मातु हा सुनिअ पुकारा। एहिं अवसर को हमहि उबारा॥ हम जो कहा यह कपि नहिं होई।

हम जो कहा यह कपि नहिं होई। बानर रूप धरें सुर कोई॥

साधु अवग्या कर फलु ऐसा। जरइ नगर अनाथ कर जैसा॥

जरइ नगर अनाथ कर जसा॥ जारा नगरु निमिष एक माहीं। एक बिभीषन कर गृह नाहीं॥

ता कर दूत अनल जेहिं सिरिजा। जरा न सो तेहि कारन गिरिजा॥

उलटि पलटि लंका सब जारी।

कूदि परा पुनि सिंधु मझारी।। [दोहा २६]

पूँछ बुझाइ खोइ श्रम धरि लघु रूप बहोरि।

जनकसुता कें आगें ठाढ़ भयउ कर जोरि॥

38

जैसें रघुनायक मोहि दीन्हा॥ चूड़ामनि उतारि तब दयऊ। समेत पवनसुत लयऊ॥ हरष कहेहु तात अस मोर प्रनामा। प्रकार प्रभु पूरनकामा॥ सब

मातु

दीन दयाल बिरिदु संभारी। हरहु नाथ मम संकट भारी॥ तात सक्रसुत कथा सुनाएहु।

बान प्रताप प्रभुहि समुझाएहु।। मास दिवस महुँ नाथु न आवा।

तौ पुनि मोहि जिअत नहिं पावा।। कहु कपि केहि बिधि राखौं प्राना।

तुम्हहू तात कहत अब जाना॥ तोहि देखि सीतलि भइ छाती।

पुनि मो कहुँ सोइ दिनु सो राती॥ [दोहा २७]

जनकसुतिह समुझाइ करि बहु बिधि धीरजु दीन्ह। चरन कमल सिरु नाइ कपि गवनु राम पहिं कीन्ह॥

चलत महाधुनि गर्जेसि भारी। गर्भ स्रवहिं सुनि निसिचर नारी॥

नाघि सिंधु एहि पारिह आवा।

सबद किलिकिला कपिन्ह सुनावा।।

राखे सकल कपिन्ह के प्राना॥ सुनि सुग्रीव बहुरि तेहि मिलेऊ।

कपिन्ह सहित रघुपति पहिं चलेऊ।। राम कपिन्ह जब आवत देखा। किएँ काजु मन हरष बिसेषा॥

फटिक सिला बैठे द्वौ भाई। परे सकल कपि चरनन्हि जाई॥

[दोहा २९] प्रीति सहित सब भेटे रघुपति करुना पुंज।

पूँछी कुसल नाथ अब कुसल देखि पद कंज॥

जामवंत कह सुनु रघुराया। जा पर नाथ करहु तुम्ह दाया।।

ताहि सदा सुभ कुंसल निरंतर।

सुर नर मुनि प्रसन्न ता ऊपर॥ सोंइ बिजई बिनई गुन सागर।

तासु सुजसु त्रैलोक उजागर॥

प्रभु की कृपा भयउ सबु काजू। जन्म हमार सुफल भा आजू॥

नाथ पवनसुत कीन्हि जो करनीं। सहसहुँ मुखं न जाइ सो बरनी।।

पवनतनयं के चरित सुहाए।

जामवंत रघुपतिहि सुनाए॥

38	रामचरितमानस
सुनत कृपानि	धि मन अति भाए।
पुनि हनुमान्	्हरषि हियँ लाए॥
	क्रेहि भाँति जानकी।
	रच्छा स्वप्रान की॥
	[दोहा ३०]
	िनिसि ध्यान तुम्हार कपाट।
	जंत्रित जाहिं प्रान केहिं बाट॥
	चूड़ामनि दीन्ही।
	्लाइ सोइ लीन्ही॥
	लोचन भरि बारी।
बचन कहे	कछु जनककुमारी॥
	गहेहु प्रभु चरना।
	प्रनतारति हरना॥
	वन चरन अनुरागी।
	प्र नाथ हौं त्यागी॥
	त्र मोर् मैं माना।
	्न की्न्ह पयाना॥
	नन्हि को अपराधा।
	करहिं हठि बाधा॥
	। तनु तूल समीरा।
	छन माहिं सरीरा॥
नयन स्त्रवहिं ज	जलु निज हित लागी।
जरें न पा	व देह बिरहागी॥

[दोहा ३१] निमिष निमिष करुनानिधि जाहिं कलप सम बीति। बेगि चलिअ प्रभु आनिअ भुज बल खल दल जीति॥

बिनहिं कहें भिल दीनदयाला।।

सुनि सीता दुख प्रभु सुख अयना। भरि आए जल राजिव नयना।। बचन कायँ मन मम गति जाही।

सपनेहुँ बूझिअ बिपति कि ताही।। कह हनुमंत बिपति प्रभु सोई।

जब तव सुमिरन भजन न होई॥ केतिक बात प्रभु जातुधान की।

रिपुहि जीति ऑनिबी जानकी॥ सुनु कपि तोहि समान उपकारी।

नहिं कोउ सुर नर मुनि तनुधारी॥ प्रति उपकार करौं का तोरा।

सनमुख होइ न सकत मन मोरा॥ सुनु सुत तोहि उरिन मैं नाहीं।

देखेउँ करि बिचार मन माहीं॥ पुनि पुनि कपिहि चितव सुरत्राता। लोचन नीर पुलक अति गाता।।

[दोहा ३२] सुनि प्रभु बचन बिलोकि मुख गात हरिष हनुमंत।

चरन परेउ प्रेमाकुल त्राहि त्राहि भगवंत॥

ता कहुँ प्रभु कछु अगम नहिं जा पर तुम्ह अनुकूल।

तव प्रभावँ बड़वानलिह जारि सकइ खलु तूल॥ नाथ भगति अति सुखदायनी।

देहु कृपा करि अनपायनी॥

३६

३७

ताहि भजनु तजि भाव न आना॥ यह संबाद जासु उर आवा। रघुपति चरन भगति सोइ पावा॥ सुनि प्रभु बचन कहिं कपिबृंदा।

जय जय जय कृपाल सुखकंदा॥ तब रघुपति कपिपतिहि बोलावा। कहा चलैं कर करहु बनावा॥

अब बिलंबु केहि कारन कीजे। तुरत कपिन्ह कहुँ आयसु दीजे॥

कौतुक देखि सुमन बहु बरषी।

नभ तें भवन चले सुर हरषी॥ [दोहा ३४]

कपिपति बेगि बोलाए आए जूथप जूथ। नाना बरन अतुल बल बानर भालु बरूथ॥ प्रभु पद पंकज नावहिं सीसा।

गर्जिहं भालु महाबल कीसा॥ देखी राम सकल कपि सेना।

चितइ कृपा करि राजिव नैना॥

राम कृपा बल पाइ कपिंदा। भए पच्छजुत मनहुँ गिरिंदा॥ चला कटकु का बरन पारा। गर्जिहिं बानर भालु अपारा॥ नख् आयुध गिरि पादपधारी।

चले गगन महि इच्छाचारी॥ केहरिनाद भालु कपि करहीं।

डगमगाहिं दिग्गज चिक्करहीं।। छं०—चिक्करहिं दिग्गज डोल महि गिरि लोल सागर खरभरे।

मन हरष सभ गंधर्ब सुर मुनि नाग किंनर दुख टरे॥ कटकटहिं मर्कट बिकट भट बहु कोटि कोटिन्ह धावहीं।

बहु कोटि कोटिन्ह धावहीं। जय राम प्रबल प्रताप कोसल– नाथ गुन गन गावहीं॥१॥

सिंह सक न भार उदार अहिपति बार बारहिं मोहई। लिखत अबिचल पावनी॥२॥ [दोहा ३५] एहि बिधि जाइ कृपानिधि उतरे सागर तीर।

जनु कमठ खर्पर सर्परांज सो

जहँ तहँ लागे खान फल भालु बिपुल किप बीर॥
उहाँ निसाचर रहहिं ससंका।

जब तें जारि गयउ कपि लंका॥ निज निज गृहँ सब करहिं बिचारा।

निहं निसिचर कुल केर उबारा॥ जासु दूत बल बरनि न जाई।

जासु दूत बल बरान न जाइ। तेहि आएँ पुरू कवन भलाई॥

दूतिन्ह सन सुनि पुरजन बानी। मंदोदरी अधिक अकुलानी॥

रहिस जोरि कर पित पग लागी। बोली बचन नीति रस पागी॥

कंत करष हरि सन परिहरहू। मोर कहा अति हित हियँ धरहू॥

समुझत जासु दूत कइ करनी।

स्रवहिं गर्भ रजनीचर घरनी।।

४०		रामचरितमान	ास		
तासु न	नारि नि	नंज स	चिव व	बोलाई ।	
पठवहु	कंत	जो न	चहहु	भलाई ।	l
				खदाई ।	
सीता	सीत	निसा	सम	आई।	l
सुनहु	नाथ	सीता	बिनु	दीन्हें।	
हित न	ा तुम्हा	र संभु	अज	कीन्हें।	l
	_	[दोहा ३६			
				ाचर भेक	
जब लोग	ग्रसत न त	तब लोग र	जतनु करहु	तजि टेक	
श्रवन	सुना	सठ ता	ा कार	बानी।	
बिहसा	ं जगत	ाबाद	त आ	भमानी।	1
सभय	सुभाः	उ नाार	कर	साचा।	
				काचा ।	
	•			टकाई ।	
				खाई।	
				त्रासा।	
				हासा।	
				र लाई।	
				धेकाई।	
				चिंता।	
				परीता।	
				पाई।	
ासध	पार	सना	सब	आई।	I

ते सब हँसे मष्ट करि रहहू॥ जितेहु सुरासुर तब श्रम नाहीं। नर बानर केहि लेखे माहीं॥

[दोहा ३७] सिचव बैद गुर तीनि जौं प्रिय बोलिहं भय आस। राज धर्म तन तीनि कर होइ बेगिहीं नास॥

सोइ रावन कहुँ बनी सहाई। अस्तुति करहिं सुनाइ सुनाई॥ अवसर जानि बिभीषनु आवा।

भ्राता चरन सीसु तेहिं नावा॥ पुनि सिरु नाइ बैठ निज आसन॥

बोला बचन पाइ अनुसासन॥ जौ कृपाल पूँछिहु मोहि बाता। मति अनुरूप कहउँ हित ताता॥

मति अनुरूप कहउ हित ताता॥ जो आपन चाहै कल्याना।

सुजसु सुमति सुभ गति सुख नाना।। सो परनारि लिलार गोसाईं।

तजउ चउथि के चंद कि नाईं॥

चौदह भुवन एक पति होई। भूतद्रोह तिष्टइ नहिं सोई॥

गुन सागर नागर नर जोऊ।

अलप लोभ भल कहइ न कोऊ॥

रामचरितमानस [दोहा ३८] काम क्रोध मद लोभ सब नाथ नरक के पंथ। सब परिहरि रघुबीरहि भजहु भजहिं जेहि संत॥ तात राम नहिं नर भूपाला।

भुवनेस्वर कालहु कर काला॥ ब्रह्म अनामय अज भगवंता।

४२

ब्यापक अजित अनादि अनंता॥ गो द्विज धेनु देव हितकारी।

कृपा सिंधु मानुष तनुधारी॥ जन रंजन भंजन खल ब्राता। बेद धर्म रच्छक सुनु भ्राता॥

ताहि बयरु तजि नाइँअ माथा।

प्रनतारति भंजन रघुनाथा।। देहु नाथ प्रभु कहुँ बैदेही।

भजहु राम बिनु हेतु सनेही॥

सरन गएँ प्रभु ताहु न त्यागा। बिस्व द्रोह कृत अघ जेहि लागा॥

जासु नाम त्रय ताप नसावन। सोइ प्रभु प्रगट समुझु जियँ रावन॥

[दोहा ३९ (क), (ख)] बार बार पद लागउँ बिनय करउँ दससीस।

परिहरि मान मोह मद भजहु कोसलाधीस॥ मुनि पुलस्ति निज सिष्य सन किह पठई यह बात।

तुरत सो मैं प्रभु सन कही पाइ सुअवसरु तात॥

तव उर कुमित बसी बिपरीता। हित अनहित मानहु रिपु प्रीता॥ कालराति निसिचर कुल केरी।

तेहि सीता पर प्रीति घनेरी।। [दोहा ४०]

तात चरन गहि मागउँ राखहु मोर दुलार। सीता देहु राम कहुँ अहित न होइ तुम्हार॥

बुध पुरान श्रुति संमत बानी। कही बिभीषन नीति बखानी।।

सुनत दसानन उठा रिसाई। खल तोहि निकट मृत्यु अब आई॥

जिअसि सदा सठ मोर जिआवा। रिपु कर पच्छ मूढ़ तोहि भावा॥ कहिस न खल अस को जग माहीं।

रामचरितमानस

भुज बल जाहि जिता मैं नाहीं।। मम पुर बसि तपसिन्ह पर प्रीती।

सठ मिलु जाइ तिन्हिह कहु नीती॥

अनुज गहे पद बारहिं बारा॥ उमा संत कइ इहइ बड़ाई। मंद करत जो करइ भलाई॥

अस कहि कीन्हेसि चरन प्रहारा।

मैं रघुबीर सरन अब जाउँ देहु जिन खोरि॥

तुम्ह पितु सरिस भलेहिं मोहि मारा।

रामु भजें हित नाथ तुम्हारा॥

सचिव संग लै नभ पथ गयऊ।

सबिह सुनाइ कहत अस भयऊ॥

[दोहा ४१] रामु सत्यसंकल्प प्रभु सभा कालबस तोरि।

अस कहि चला बिभीषनु जबहीं।

आयूहीन भए सब तबहीं।। साधुँ अवग्या तुरत भवानी।

कर कल्यान अखिल कै हानी॥

रावन जबहिं बिभीषन त्यागा।

भयउ बिभव बिनु तबहिं अभागा॥

जिन्ह पायन्ह के पादुकन्हि भरतु रहे मन लाइ। ते पद आजु बिलोकिहउँ इन्ह नयनन्हि अब जाइ॥

एहि बिधि करत सप्रेम बिचारा। आयउ सपदि सिंधु एहिं पारा॥

कपिन्ह बिभीषनु आवत देखा। जाना कोउ रिपु दूत बिसेषा॥

ताहि राखि कपीस पहिं आए। समाचार सब ताहि सुनाए॥

कह सुग्रीव सुनहु रघुराई। आवा मिलन दंसानन भाई॥

कह प्रभु सखा बूझिऐ काहा। कहइ कंपीस सुनहु नरनाहा।।

४६		रामचरितमान	ग् स	
जानि	न ज	ाइ नि	साचर	माया।
		•		आया॥
				आवा।
				भावा॥
				ब्रचारी।
		_		यहारी॥
				नुमाना ।
				पुवाना ॥
		[दोहा ४३	3]	
सरनागत	कहुँ जे त	ाजहिं निज	न अनहित	अनुमानि ।
				कत [ँ] हानि॥
कोटि	बिप्र	बध ु	लागहिं	जाहू।
•				ताहूँ॥
_	-			जबहीं।
जन्म	= 11-3-	अप्राच	गर्गार्ट	
				तबहीं॥
पापवंत	त क	र सह	हज र	<u>नुभाऊ ।</u>
पापवंत भजनु	त क मोर तं	र सह तेहि भ	हज र गव न	नुभाऊ। काऊ॥
पापवंत भजनु जौं पै	त क मोर तं ो दुष्ट	र सह तेहि भ हदय	इज र गव न गसोइ	नुभाऊ। काऊ॥ होई।
पापवंत भजनु जौं पै मोरें	त क मोर त ो दुष्ट सनमुख	र सह तेहि भ हदय अव	हज र गव न गसोइ त्रकि	नुभाऊ। काऊ॥ होई। सोई॥
पापवंत भजनु जौं पै मोरें निर्मल	त क मोर त पे दुष्ट सनमुख मन प	र सह तेहि भ हिद्य अव जन सो	हज र गव न गसोइ त्रकि गमोहि	नुभाऊ। काऊ॥ होई। सोई॥ पावा।
पापवंत भजनु जौं पै मोरें निर्मल मोहि	त क मोर ते पे दुष्ट सनमुख मन प कपट	र सह तेहि भ हदय अव अव जन सो छल वि	हज र गव न गसोइ त्रकि गोहि छेद्रन	नुभाऊ। काऊ॥ होई। सोई॥ पावा। भावा॥
पापवंत भजनु जौं पै मोरें व निर्मल मोहि भेद	त क मोर ते पे दुष्ट सनमुख मन प कपट लेन	र सह तेहि भ हदय अव जन सो छल वि पठवा	हज र ग सोइ त्र कि ग मोहि छेद्र न प दस	नुभाऊ। काऊ॥ होई। सोई॥ पावा।

सिंघ कंध आयत उर सोहा।

आनन अमित मदन मन मोहा॥ नयन नीर पुलकित अति गाता।

मन धरि धीर कही मृदु बाता।। नाथ दसानन कर मैं भ्राता।

निसिचर बंस जनम सुरत्राता॥

सहज पापप्रिय तामस देहा।

जथा उलूकहि तम पर नेहा।।

४८ रामचरितमानस [दोहा ४५] श्रवन सुजसु सुनि आयउँ प्रमु भंजन भव भीर। त्राहि त्राहि आरति हरन सरन सुखद रघुबीर॥ अस कहि करत दंडवत देखा। तुरत उठे प्रभु हरष बिसेषा॥ दीन बचन सुनि प्रभु मन भावा। भुज बिसाल गिहि हृदयँ लगावा।। अनुज सहित मिलि ढिग बैठारी। बोले बचन भगत भयहारी।। कहु लंकेस सहित परिवारा। कुसल कुठाहर बास तुम्हारा॥ खल मंडली बसहु दिनु राती। सखा धरम निबहइं केहिं भाँती॥ मैं जानउँ तुम्हारि सब रीती। अति नय निपुन न भाव अनीती॥ बरु भल बास नरक कर ताता। दुष्ट संग जनि देइ बिधाता॥ अब पद देखि कुसल रघुराया। जौं तुम्ह कीन्हि जानि जन दाया।। [दोहा ४६] तब लिंग कुसल न जीव कहुँ सपनेहुँ मन बिश्राम। जब लगि भजत न राम कहुँ सोक धाम तजि काम॥ तब लगि हृदयँ बसत खल नाना। लोभ मोह मच्छर मद माना॥ ममता तरुन तमी अँधिआरी। राग द्वेष उलूक सुखकारी॥ तब लगि बसति जीव मन माहीं।

धरें चाप सायक कटि भाथा।।

जब लगि प्रभु प्रताप रबि नाहीं।। अब मैं कुसल मिटे भय भारे। देखि राम पद कमल तुम्हारे॥

तुम्ह कृपाल जा पर अनुकूला। ताहि न ब्याप त्रिबिध भव सूला।।

मैं निसिचर अति अधम सुभाऊ।

सुभ आचरनु कीन्ह नहिं काऊ॥ जासु रूप मुनि ध्यान न आवा।

तेहिं प्रभु हरिष हृदयँ मोहि लावा।। [दोहा ४७] अहोभाग्य मम अमित अति राम कृपा सुख पुंज।

देखेउँ नयन बिरंचि सिव सेब्य जुगल पद कंज॥ सुनहु सखा निज कहउँ सुभाऊ।

जान भुसुंडि संभु गिरिजाऊ॥ जौं नर होइ चराचर द्रोही। आवै सभय सरन तकि मोही॥

तजि मद मोह कपट छल नाना। करउँ सद्य तेहि साधु समाना॥

५०		रामचरितम	ा नस	
जनर्न	ो जन	क बंध	थु सुत	दारा।
तनु	धनु १	भवन स्	नुहृद े प	ारिवारा ॥
				बटोरी।
मम '	पद म	नहि बाँ	াঁध অি	रे डोरी॥
				नाहीं ।
				। माहीं॥
				र कैसें।
लोर्भ	हिंद	यँ बस	इ धन्	र जैसें॥
तुम्ह	सारि	खे संत	। प्रिय	मोरें।
धरउँ	देह			निहोरें॥
		[दोहा ४	· / T	
				_
		परहित नि	नरत नीति	दृढ़ नेम।
ते नर प	प्रान समा	परहित नि न मम जि	नरत नीति न्ह कें द्वि	ज पद प्रेम॥
ते नर ! सुनु	ग्रान समा लंकेर	परहित नि न मम जि म सक	नरत नीति न्ह कें द्वि ल्ल ्य	ज पद प्रेम॥ ुन तोरें।
ते नर ! सुनु तातें	ग्रान समा लंकेर तुम्ह	परहित नि न मम जि म सक अतिस	नरत नीति न्ह कें द्वि जल र् य प्रिक	ज पद प्रेम॥ गुन तोरें। य मोरें॥
ते नर ! सुनु तातें राम	प्रान समा लंकेर तुम्ह बचन	परहित नि न मम जि म सक अतिस सुनि	नरत नीति न्ह कें द्वि जल ग् य प्रिक् बानर	ज पद प्रेम॥ गुन तोरें। य मोरें॥ जूथा।
ते नर ! सुनु तातें राम सकत	प्रान समा लंकेर तुम्ह बचन व कह	परहित नि न मम जि म सक अतिस सुनि हिं जय	नरत नीति न्ह कें द्वि ज्ल ग् य प्रिय बानर कृपा	ज पद प्रेम॥ गुन तोरें। य मोरें॥ जूथा। बरूथा॥
ते नर ! सुनु तातें राम सकत् सुनत	प्रान समा लंकेस तुम्ह बचन व कह विभी	परहित नि न मम जि म सक अतिस सुनि सुनि हिं जय षिनु प्र	नरत नीति न्ह कें द्वि क्ल प् य प्रिक् बानर कृपा भु कै	ज पद प्रेम॥
ते नर प़ सुनु तातें राम सकत् सुनत नहिं	प्रान समा लंकेर तुम्ह बचन न कह बिर्भ अघा	परहित नि न मम जि म सक अतिस सुनि हिं जय षिनु प्र त श्रव	नरत नीति न्ह कें द्वि ज्ला प् यापि वानर कृपा भु कै नामृत	ज पद प्रेम॥
ते नर प्र सुनु तातें राम सकत् सुनत नहिं पद	प्रान समा लंकेर तुम्ह बचन न कह बिर्भ अघा अंबुज	परहित वि न मम जि म सक अतिस सुनि हिं जय षिनु प्र त श्रव गहि	नरत नीति न्ह कें द्वि ज्ला प् याप्य याप्य व्याप्य भु कै नामृत बारहिं	ज पद प्रेम॥
ते नर प्र सुनु तातें राम सकत् सुनत चहिं पद हृदयँ	प्रान समा लंकेर तुम्ह बचन न कह बिर्भ अघा अंबुज समा	परहित नि न मम जि म सक अतिस सुनि हिं जय षिनु प्र त श्रव गहि त न	नरत नीति न्ह कें द्वि ज्ला प् खानर खानर कृपा भु कै नामृत खारहिं प्रेमु	ज पद प्रेम॥
ते नर प्र सुनु तातें राम सकत् सुनत पद दृदयँ सुनहु	प्रान समा लंकेर तुम्ह बचन विर्भ अघा अंबुज समा देव	परहित नि न मम जि म सक अतिस सुनि हिं जय षिनु प्र त श्रव गहि त न सच्च	नरत नीति न्ह कें द्वि ज्ला प् यापि यापि बानर कृपा भु के नामृत बारहिं प्रेमु	ज पद प्रेम॥

मोर दरसु अमोघ जग माहीं।। अस कहि राम तिलक तेहि सारा। सुमन बृष्टि नभ भई अपारा॥

[दोहा ४९ (क), (ख)] रावन क्रोध अनल निज स्वास समीर प्रचंड।

जरत बिभीषनु राखेउ दीन्हेउ राजु अखंड॥ जो संपति सिव रावनिह दीन्हि दिएँ दस माथ।

जो संपति सिव रावनिह दीन्हि दिएँ दस माथ। सोइ संपदा बिभीषनिह सकुचि दीन्हि रघुनाथ॥ अस प्रभु छाड़ि भजिहं जे आना।

ते नर पसु बिनु पूँछ बिषाना॥ निज जन जानि ताहि अपनावा।

प्रभु सुभाव कपि कुल मन भावा॥

पुनि सर्बग्य सर्ब उर बासी। सर्बरूप सब रहित उदासी॥

बोले बचन नीति प्रतिपालक। कारन मनुज दनुज कुल घालक॥

रामचरितमानस 47 सुनु कपीस लंकापति बीरा। केहि बिधि तरिअ जलिध गंभीरा॥ संकुल मकर उरग झष जाती। अति अगाध दुस्तर सब भाँती॥ कह लंकेस सुनहु रघुनायक। कोटि सिंधु सोषक तव सायक।। जद्यपि तद्पि नीति असि गाई। बिनय करिअ सागर सन जाई॥ [दोहा ५०] प्रभु तुम्हार कुलगुर जलिध कहिहि उपाय बिचारि। बिनु प्रयास सागर तरिहि सकल भालु कपि धारि॥ सखा कही तुम्ह नीकि उपाई। करिअ दैव जौं होइ सहाई॥ मंत्र न यह लिछिमन मन भावा। राम बचन सुनि अति दुख पावा॥ नाथ दैव कर कवन भरोसा। सोषिअ सिंधु करिअ मन रोसा॥ कादर मन कहुँ एक अधारा। दैव दैव आलसी पुकारा॥ सुनत बिहसि बोले रघुंबीरा। ऐसेहिं करब धरहु मन धीरा॥ अस किह प्रभु अनुजिहि समुझाई। सिंधु समीप गए रघुराई॥

जो हमार हर नासा काना।

तेहि कोसलाधीस कै आना॥

सुनि लिछमन सब निकट बोलाए।

दया लागि हँसि तुरत छोड़ाए॥

रावन कर दीजहु यह पाती।

लिछिमन बचन बांचु कुलघाती।।

५४ रामचरितमानस [दोहा ५२] कहेहु मुखागर मूढ़ सन मम संदेसु उदार। सीता देइ मिलहु न त आवा कालु तुम्हार॥ तुरत नाइ लिछिमन पद माथा। चले दूत बरनत गुन गाथा।। कहत राम जसु लंकाँ आए। रावन चरन सींस तिन्ह नाए।। बिहसि दसानन पूँछी बाता। कहसि न सुक आपनि कुसलाता॥ पुनि कहु खबरि बिभीषन केरी। जाहि मृत्यु आई अति नेरी॥ करत राज लंका सठ त्यागी। होइहि जव कर कीट अभागी॥ पुनि कहु भालु कीस कटकाई। कठिन काल प्रेरित चलि आई॥ जिन्ह के जीवन कर रखवारा। भयउ मृदुल चित सिंधु बिचारा॥ कहु तपसिन्ह के बात बहोरी। जिन्ह के हृदयँ त्रास अति मोरी।। [दोहा ५३] की भइ भेंट कि फिरि गए श्रवन सुजसु सुनि मोर। कहिस न रिपु दल तेज बल बहुत चिकत चित तोर॥ नाथ कृपा करि पूँछेहु जैसें। मानहु कहा क्रोध तजि तैसें।।

राम कृपाँ अतुलित बल तिन्हहीं। तृन समान त्रैलोकहि गनहीं॥

अस मैं सुना श्रवन दसकंधर।

पदुम अठारह जूथप बंदर॥

५६ रामचरितमानस	
नाथ कटक महँ सो व	त्र् ति नाहीं।
जो न तुम्हिह जीतै	
परम क्रोध मीजहिं स	
आयसु पै न देहिं	
सोषहिं सिंधु सहित झ	ष ब्याला।
पूरिहं न त भिर कुधर	
मर्दि गर्द मिलवहिं	
ऐसेइ बचन कहहिं स	
गर्जिहिं तर्जिहिं सहज	
मानहुँ ग्रसन चहत ह	हिं लंका॥
[दोहा ५५]	
सहज सूर किप भालु सब पुनि सि	
रावन काल कोटि कहुँ जीति र	
राम तेज बल बुधि	
सेष सहस सत सकहिं	
सक सर एक सोषि स	
तव भ्रातहि पूँछेउ न	
तासु बचन सुनि सा	
मागत पंथ कृपा म	
सुनत बचन बिहसा	
जौं असि मित सहाय कृ	
सहज भीरु कर बच	न दहार्दे।
सागर सन ठानी	

बातन्ह मनिह रिझाइ सठ जिन घालिस कुल खीस। राम बिरोध न उबरसि सरन बिष्नु अज ईस॥

की तजि मान अनुज इव प्रभु पद पंकज भृंग। होहि कि राम सरानल खल कुल सहित पतंग॥

कहत दसानन सबहि सुनाई॥ भूमि परा कर गहत अकासा।

लघु तापस कर बाग बिलासा॥ कह सुक नाथ सत्य सब बानी।

समुझहु छाड़ि प्रकृति अभिमानी॥ सुनहु बचन मम परिहरि क्रोधा।

नाथ राम सन तजहु बिरोधा॥

रामचरितमानस अति कोमल रघुबीर सुभाऊ। जद्यपि अखिल लोक कर राऊ॥ मिलत कृपा तुम्ह पर प्रभु करिही। उर अपराध[ं]न एकउ[ँ] धरिही।। जनकसुता रघुनाथहि दीजे। एतना कहा मोर प्रभु कीजे॥ जब तेहिं कहा देन बैदेही। चरन प्रहार कीन्ह सठ तेही॥ नाइ चरन सिरु चला सो तहाँ। कृपासिंधु रघुनायक जहाँ॥ करि प्रनामु निज कथा सुनाई। राम कृपाँ आपनि गति पाई॥ रिषि अगस्ति कीं साप भवानी। राछस भयउ रहा मुनि ग्यानी॥ बंदि राम पद बारहिं बारा। मुनि निज आश्रम कहुँ पगु धारा॥ [दोहा ५७] बिनय न मानत जलिध जड़ गए तीनि दिन बीति। बोले राम सकोप तब भय बिनु होइ न प्रीति॥ लिछिमन बान सरासन आनू। सोषौं बारिधि बिसिख कृसानू॥ सठ सन बिनय कुटिल सन प्रीती। सहज कृपन सन सुंदर नीती॥

६० रामचरितमानस	
प्रभु भल कीन्ह मोहि सिख दीन्ही।	
मरजादा पुनि तुम्हरी कीन्ही।	
ढोल गवाँर सूद्र पसु नारी।	
सकल ताड़ना के अधिकारी।	l
प्रभु प्रताप मैं जाब सुखाई।	
उतरिहि कटकु न मोरि बड़ाई।	l
प्रभु अग्या अपेल श्रुति गाई।	
करौं सो बेगि जो तुम्हिह सोहाई।	l
[दोहा ५९]	
सुनत बिनीत बचन अति कह कृपाल मुसुकाइ।	
जेहि बिधि उतरै कपि कटकु तात सो कहहु उपाइ।	
नाथ नील नल किप द्वौ भाई।	
लरिकाईं रिषि आसिष पाई।	
तिन्ह कें परस किएँ गिरि भारे।	
त्रिहहिं जलिध प्रताप तुम्हारे।	l
मैं पुनि उर धरि प्रभु प्रभुताई।	
करिहेउँ बल अनुमान सहाई।	
एहि बिधि नाथ पर्योधि बँधाइअ।	
जेहिं यह सुजसु लोक तिहुँ गाइअ।	
एहिं सर मम उत्तर तट बासी।	
हत्हु नाथ खल नर अघ रासी।	l
सुनि कृपाल सागर मन पीरा।	
तरतहिं हरी राम रनधीरा।	I

देखि राम बल पौरुष भारी।
हरिष पयोनिधि भयउ सुखारी।।
सकल चरित किह प्रभुहि सुनावा।
चरन बंदि पाथोधि सिधावा।।
छं० — निज भवन गवनेउ सिंधु
श्रीरघुपतिहि यह मत भायऊ।
यह चित किल मलहर जथामित
दास तुलसी गायऊ॥
सुख भवन संसय समन दवन

सुनहि संतत सठ मना॥ [दोहा ६०]

सकल सुमंगल दायक रघुनायक गुन गान। सादर सुनहिं ते तरहिं भव सिंधु बिना जलजान॥

तजि सकल आस भरोस गावहि

बिषाद रघुपति गुन गना।

इति श्रीमद्रामचरितमानसे सकलकलिकलुषविध्वंसने पञ्चमः सोपानः समाप्तः। कलियुगके समस्त पापोंका नाश करनेवाले श्रीरामचरितमानसका यह पाँचवाँ सोपान समाप्त हुआ।

(सुन्दरकाण्ड समाप्त)

॥ श्रीहनूमते नमः॥

श्रीहनुमानचालीसा

दोहा

श्रीगुरु चरन सरोज रज निज मनु मुकुरु सुधारि। बरनउँ रघुबर बिमल जसु जो दायकु फल चारि॥ बुद्धिहीन तनु जानिके, सुमिरौँ पवन-कुमार। बल बुधि बिद्या देहु मोहिं, हरहु कलेस बिकार॥ चौपाई

जय हनुमान ज्ञान गुन सागर। जय कपीस तिहुँ लोक उजागर॥ राम दूत अतुलित बल धामा। अंजनि-पुत्र पवनसुत नामा॥

महाबीर बिक्रम बजरंगी । कुमित निवार सुमित के संगी ॥

कंचन बरन बिराज सुबेसा। कानन कुंडल कुंचित केसा॥ हाथ बज्र औ ध्वजा बिराजै। काँधे मूँज जनेऊ साजै॥

संकर सुवन केसरीनंदन। तेज प्रताप महा जग बंदन॥

बिद्यावान गुनी अति चातुर। राम काज करिबे को आतुर॥ प्रभु चरित्र सुनिबे को रिसया। राम लषन सीता मन बिसया॥

सूक्ष्म रूप धरि सियहिं दिखावा । बिकट रूप धरि लंक जरावा॥ भीम रूप धरि असुर सँहारे । रामचन्द्र के काज सँवारे॥

लाय सजीवन लखन जियाये। श्रीरघुबीर हरिष उर लाये॥ रघुपति कीन्ही बहुत बड़ाई। तुम मम प्रिय भरतिह सम भाई॥

सहस बदन तुम्हरो जस गावैं। अस किह श्रीपित कंठ लगावैं॥ सनकादिक ब्रह्मादि मुनीसा। नारद सारद सहित अहीसा॥

जम कुबेर दिगपाल जहाँ ते। किब कोबिद किह सके कहाँ ते॥ तुम उपकार सुग्रीविहं कीन्हा। राम मिलाय राज पद दीन्हा॥

तुम्हरो मन्त्र बिभीषन माना । लंकेस्वर भए सब जग जाना ॥ जुग सहस्त्र जोजन पर भानू । लील्यो ताहि मधुर फल जानू ॥ प्रभु मुद्रिका मेलि मुख माहीं। जलिध लाँघि गये अचरज नाहीं॥ दुर्गम काज जगत के जेते। सुगम अनुग्रह तुम्हरे तेते॥ राम दुआरे तुम रखवारे। होत न आज्ञा बिनु पैसारे॥

सब सुख लहै तुम्हारी सरना। तुम रच्छक काहू को डर ना॥ आपन तेज सम्हारो आपै। तीनों लोक हाँक तें काँपै॥

आपन तेज सम्हारो आपै।तीनों लोक हाँक तें काँपै॥ भूत पिसाच निकट निहंं आवै।महाबीर जब नाम सुनावै॥ नासै रोग हरै सब पीरा।जपत निरंतर हनुमत बीरा॥

संकट तें हनुमान छुड़ावै । मन क्रम बचन ध्यान जो लावै॥ सब पर राम तपस्वी राजा । तिन के काज सकल तुम साजा॥

और मनोरथ जो कोइ लावै।सोइ अमित जीवन फल पावै॥ चारों जुग परताप तुम्हारा।है परसिद्ध जगत उजियारा॥

साधु संत के तुम रखवारे। असुर निकंदन राम दुलारे॥ अष्ट सिद्धि नौ निधि के दाता। अस बर दीन जानकी माता॥

राम रसायन तुम्हरे पासा।सदा रहो रघुपति के दासा॥ तुम्हरे भजन राम को पावै।जनम जनम के दुख बिसरावै॥

अंत काल रघुबर पुर जाई। जहाँ जन्म हरि-भक्त कहाई॥ और देवता चित्त न धरई। हनुमत सेइ सर्ब सुख करई॥ संकट कटै मिटै सब पीरा। जो सुमिरै हनुमत बलबीरा॥

जै जै जै हनुमान गोसाईं। कृपा करहु गुरु देव की नाईं॥ जो सत बार पाठ कर कोई। छूटहि बंदि महा सुख होई॥ जो यह पढ़े हनुमान चलीसा। होय सिद्धि साखी गौरीसा॥ तुलसीदास सदा हरि चेरा। कीजै नाथ हृदय महँ डेरा॥

दोहा

पवनतनय संकट हरन मंगल मूरति रूप। राम लषन सीता सहित हृदय बसहु सुर भूप॥

॥ इति ॥

—— श्रीरामायणजीकी आरती ——

आरति श्रीरामायनजी की । कीरति कलित ललित सिय पी की।।

गावत ब्रह्मादिक मुनि नारद। बालमीक बिग्यान बिसारद॥

सुक सनकादि सेष अरु सारद । बरनि पवनसुत कीरति नीकी॥१॥ गावत बेद पुरान अष्टदस । छओ सास्त्र सब ग्रंथन को रस॥

मुनि जन धन संतन को सरबस । सार अंस संमत सबही की॥२॥ गावत संतत संभु भवानी। अरु घटसंभव मुनि बिग्यानी॥

ब्यास आदि कबिबर्ज बखानी। कागभुसुंडि गरुड के ही की॥३॥ किलमल हरनि बिषय रस फीकी । सुभग सिंगार मुक्ति जुबती की॥

दलन रोग भव मूरि अमी की। तात मात सब बिधि तुलसी की॥४॥ —— श्रीहनुमान्जीकी आरती ——

आरती कीजै हनुमान लला की । दुष्टदलन रघुनाथ कला की ॥ टेक ॥ जाके बल से गिरिवर काँपै। रोग-दोष जाके निकट न झाँपै॥१॥

अंजिन पुत्र महा बलदाई। संतन के प्रभु सदा सहाई॥२॥

दे बीरा रघुनाथ पठाये। लंका जारि सीय सुधि लाये॥३॥

लंका सो कोट समुद्र सी खाई। जात पवनसुत बार न लाई॥४॥ लंका जारि असुर संहारे। सियारामजीके काज सँवारे॥ ५॥

लक्ष्मण मूर्छित पड़े सकारे। आनि सजीवन प्रान उबारे॥६॥ पैठि पताल तोरि जम-कारे। अहिरावन की भुजा उखारे॥ ७॥

बायें भुजा असुर दल मारे। दहिने भुजा संतजन तारे॥८॥ सुर नर मुनि आरती उतारे। जै जै जै हनुमान उचारे॥ ९॥

कंचन थार कपूर लौ छाई। आरति करत अंजना माई॥१०॥ जो हनुमान (जी) की आरित गावै । बिस बैकुंठ परमपद पावै ॥१९॥